

練

青

詩

選

雪曼



著 青 練 吳

瓊州吳練青著

練青詩選

丙辰三月雪曼題



目

錄

自序
題拙作唐詩評解
舟渡驢溪即景
雨晴佩聲子我招遊北泉
秋日詠懷用治薌師韻
哭母
贈雪曼先生二首
柏溪大雪紅梅盛開
題雪曼中秋月夕圖
題香雪海圖
獅子峯
過黛湖
居北碚
雨
即景
再往梅窩途中口占

憶昔
哭明兒
佩聲招翫月感賦
哭希明
書展勉藝文院諸友
偕雪曼飛金山展藝訪叔子
悼念周總理
南歸紀事寄韻冰兼懷礪儒師
蘆溝橋
秋興八首
驢溪月
桂山行
重過桂林
七星巖
頤和園
附錄：雪曼月夕驢溪詩序

自序

余幼好篇章。及長學為吟咏。於世事風雲之變。骨肉生死之別。朋簪聚散之感。低徊排惻。不能自己。或長歌以咏其事。或短章以抒其情。皆記實也。累積所得。每多嗚咽之音。蓋家國之恨深。亂離之痛切。有不能已於言者。至今視之。亦猶滄海中一小波瀾而

已往事如烟。為雲為霞。為幻為夢。不
可尋索。亦不復記憶。今日之我。已不
省識。昔日之我矣。幸有此以彷彿其
一二。然不幸而有此。以增予惶恐危
慄之情。於無窮也。是為序。

丙辰三月 吳練青

題拙作唐詩評解

飄風送日月。終古幾移世。癡絕抱古語。寫此排世累。悵望不同時。牽情餘涕淚。冷々流水音。沉沉孤鐙味。慧業共往矣。湖海護靈氣。

舟渡驢溪即景

余撙世患。不能自奮。歲月飄忽。百無一成。而為客經年。陰雨彌月。登

樓有賦。埋憂無方。偶有會心。又不
知人間何世矣。

世亂狎荒愁。泥寧慙久寄。匊匊邯鄲

步。詎與壽陵異。

驢溪之崖有道通新橋。泥深盈尺。予授課於女師院。經此每苦踣躓。誰

使一舸巡。放流適所志。山川開霽色。

清輝紛自媚。摩盪白雲氣。低昂故枝

淚。翠微入我襟。眇然一身累。厭聞蚺

蛇爭。乃值擾攘世。孤鴻恣遠飄。鴉甘

腐鼠味。物情倥。貴賤荒。壑閑愚智垂。
垂空今古心。逐長流。醉。

雨晴佩聲子我招遊北泉

久亂故人盡。蕩跡入江湖。勝侶挾遊
興。泉館同奔趨。健步疾如鳥。登歷琳
琅塗。水落平沙淨。天濶帆影孤。石壑
穿窈窕。山林景氣殊。淚盈參佛眼。煩
冤繞靈樹。清泉環我流。危石息我軀。

哀音激翠壁。驚視日西隅。安得鞭羲
和。復為留斯湏。憶昔晨晝昏。蟻虻爭
歡娛。泥濘中道塞。行旅齊驚呼。君看
濁流中。同類交吻濡。投足將安寄。憂
嗟歲月徂。今晨失陰靈。山色轉敷腴。
屏圍排雲立。遠矚傲荆巫。俯仰豁懷
抱。勿為歎區區。

秋日咏懷用

治鄉師韵

涼風吹我衣。羈客得清況。乾坤眇蕭瑟。登高恣遠望。蒼山送清華。空潭息盪漾。木葉隨風飄。霜鷹得氣王。枯菴雖異迹。賦質亦天貺。念彼猗靡春。迄今盡幻相。浮空西北雲。鎮彼東南嶂。恢恢天地間。炎涼各異狀。君子貴守常。遑論老與壯。蜩鳩抱寸條。寧待摩空上。俯仰六合間。恣意搜冥曠。飄飄

竟何之。窮通吾自喪。

哭母 并序

先妣蔡孺人。以一九四五年十二月二十五日棄養。享年六十五歲。閱一月而弟始來電以孺人病告。青流寓西蜀。倉惶偕壻雪曼就道。及抵柳州。乃悉孺人棄我兄弟而去者已二月又十日矣。

青不幸。府君早見背。遺我兄弟三人。祖母王年七十。晚歲喪子。淚常掛睫。孺人仰事俯育。含酸茹苦。而色養無違。家僻居海南。文化低落。孺人乃遣兄祥春遊學北京。逾二年。命青繼往。又逾年。命弟祥泰往。兄讀北京大學。習政治。青女子師範大學。習文學。弟北平大學工學。

院習電工程。一一均遵孺人意也。孺人性明斷。遇疑難事。數言即決。故於青等之遠離也。行期既定。略無戚容。惟踐蹠為理裝。無稍間息。似以忙碌而遣其愁苦者。及拜別。輒勉勤學上進。更不及他。青等唯唯。不敢仰視孺人。或船延誤。青等喜躍入門。則見孺人獨坐飲泣矣。

當抗戰軍興。青執教在京。弟理全省電訊工程在桂。兄侍孺人在瓊。時京滬繼陷。舉國駭奔。青亟南返。奉母入桂。未半載而長沙大火。粵垣陷敵。桂林危殆。青與弟乃議送孺人歸。未二月。詎敵猝至。海南竟陷落。青間關入蜀。消息遂絕。孺人既遭顛沛。憂國念子。遽嬰沉疴。嫂

氏張嬭順敏慧事孺人如母孺人亦以女視之孺人既病乃流涕謂兄嫂曰恐不復與青泰見矣迨聞勝利捷報則怡然曰國家轉危為安且聞泰有嗣而青有託雖死何憾嗚呼孰謂斯言竟成悲讖而遺青等無涯之戚乎孺人死五閱月青始為詩哭孺人

畧叙其生平行事。雖不能盡孺人
萬一。聊以抒吾哀。且以識吾恨焉。
春草連天碧。親恩春艸密。兒心春草
長。春草細於蟻。況我早失怙。跼蹐多
杌隉。兄行牽母衣。弱弟在提挈。悵帳
護孤嫠。寒燈照悼懷。悠々人間世。回
首歡樂失。堂上憐姑老。裙下子繞膝。
奉姑期百齡。教子希聖哲。孝養瘁一

身。母也。心力竭。悲辛床前語。哽噎不
可說。天風吹我去。投師詣北關。皓月
騰碧海。風雷舟初發。螭蛟捲浪翻。海
鷗逐波越。辭母去故里。景物悲疏濶。
比飛有雁行。研讀常鬱怫。賜給母力
碎。相望天之末。河魚飲滿腹。鷦鷯抱
枝一。我生謂何求。飄搖久遠別。慈懷
惻仁念。問子辭故園。八月抵故京。丹